



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ**

ՎԱՐՉԱԿԱՆ ԱԿՏ N 1509184

**ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ**

04 նոյեմբեր 2020թ.

Բ. Երևան
(կազմման վայրը)

Ակտի հասցեատեր

Ֆիզ անձ Շահեն Նվերի Գրիգորյան

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

(անձնագիր՝ AM0651283,

Հասցե՝ Բ. Երևան, Նորագյուղ 139, 13

(անհատ ձեռնարկատիրոջ հաշվառման հասցեն կամ իրավաբանական անձի գրանվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 23.06.2020թ. թիվ 1509184 որոշման հիման վրա Շահեն Գրիգորյանի նկատմամբ իրականացված օպերատիվ-հետախուզական միջոցառումների արդյունքում պարզվել է.

1. Շահեն Գրիգորյանը առանց օրենքով սահմանված պետական գրանցման (հաշվառման) կամ առանց հարկային մարմնում հաշվառման Արարատի մարզ, գյուղ Այնթապ 1 փ, տուն 16 հասցեում գտնվող վարձակալած տարածքում 2019 թվականի նոյեմբեր ամսին կազմակերպել է գիշերային ակումբի գործունեություն:

Ըստ ՀՀ քննչական կոմիտեի Արարատի մարզային վարչության Մասիսի քննչական բաժնի 21.07.2020 թվականի թիվ 52/2209-20 գրությամբ ստացված թիվ 44162020 քրեական գործի նյութերի՝ իրականացված գործունեության արդյունքում ձեռնարկատիրական եկամուտը կազմել է 140.000 ՀՀ դրամ:

2. 27.11.2019 թվականին «Օլիմպ» գիշերային ակումբում որպես պարուհի աշխատել են հինգ անձ, որպես բարմեն՝ Արման Հարությունյանը, մատուցող՝ Հասմիկ Միկոյանը, որպես գործընկեր է հանդիսացել Գարեգին Ստեփանյանը, որոնց հետ կնքված չեն եղել համապատասխան աշխատանքային պայմանագրեր:

Թիվ 1509184 արձանագրությամբ 14.08.2020 թվականին հարուցվել է վարչական վարույթ: Շահեն Գրիգորյանին 14.08.2020 թվականին ուղարկվել են ծանուցագրեր

վարչական վարույթի խումբերին մասնակցելու վերաբերյալ, սակայն 14.09.2020թ-ի դրությամբ ուղարկված ծրարների ստացման փաստը հավաստող ապացույց առկա չի եղել:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի «գ» կետով Շահեն Գրիգորյանի նկատմամբ հարուցված վարչական վարույթը 14.09.2020 թվականին կասեցվել է:

Շահեն Գրիգորյանին 23.09.2020 թվականին ուղարկվել է ծանուցագիր 14.09.2020 թվականին վարչական վարույթի վերսկսմանը, վարչական վարույթի խումբերին մասնակցելու վերաբերյալ: Պատշաճ ծանուցված լինելով, Շահեն Գրիգորյանը չի ներկայացել վարչական վարույթին: Գործում առկա չեն լրացուցիչ ապացույցներ, չեն ներկայացվել միջնորդություններ:

Նկարագրված առաջին արարքն առաջացնում է պատասխանատվություն՝ ՀՀ հարկային օրենսգրքի 407-րդ հոդվածի 1-ին մասով, ըստ որի՝ «Օպերատիվ-հետախուզական գործունեության մասին» Հայաստանի Հանրապետության օրենքով սահմանված կարգով իրականացվող օպերատիվ-հետախուզական միջոցառումների արդյունքում ապօրինի գործունեության հայտնաբերման դեպքում գանձվում է տուգանք՝ այդ գործունեության արդյունքում Օրենսգրքով սահմանված կարգով հաշվարկված ձեռնարկատիրական եկամտի 50 տոկոսի չափով, բայց ոչ պակաս 200 հազար դրամից:

Տվյալ դեպքում Շահեն Գրիգորյանի կողմից խախտումը վերջին 1 տարվա ընթացքում կատարվում է առաջին անգամ: Գործունեության ընթացքում ստացված եկամուտը կազմում է 140.000 ՀՀ դրամ, որի 50%-ը կազմում է 70.000 ՀՀ դրամ, այսինքն օրենսդրական պահանջից ելնելով Շահեն Գրիգորյանի նկատմամբ կիրառելի է 200.000 ՀՀ դրամի չափով տուգանք:

Նկարագրված երկրորդ արարքի համար պատասխանատվություն է սահմանված ՀՀ հարկային օրենսգրքի 412-րդ հոդվածի 1-ին մասով, ըստ որի՝ աշխատողի աշխատանքի ընդունումը Հայաստանի Հանրապետության օրենսդրությամբ սահմանված կարգով գրավոր չձևակերպելու (այսինքն՝ աշխատանքի ընդունման մասին անհատական իրավական ակտի և գրավոր պայմանագրի բացակայության) և (կամ) նոր աշխատողի համար Օրենսգրքի 156-րդ հոդվածի 2-րդ մասով սահմանված դեպքերում և ժամկետում գրանցման հայտ չներկայացնելու փաստը հարկային մարմնի կողմից իրականացվող համալիր կամ թեմատիկ հարկային ստուգումների ընթացքում՝ Կառավարության սահմանած կարգով, իսկ ապօրինի գործունեություն իրականացնողների մոտ՝ օպերատիվ-հետախուզական միջոցառումների ընթացքում Կառավարության սահմանած կարգով արձանագրվելու դեպքում գործատուից (այդ թվում՝ ապօրինի գործունեություն իրականացնողներից կամ սահմանված կարգով հաշվառված և արտոնագիր ստացած՝ անհատ ձեռնարկատեր չհանդիսացող ֆիզիկական անձանցից) գանձվում է տուգանք՝ յուրաքանչյուր չձևակերպված վարձու աշխատողի համար 250.000 դրամի չափով:

Տվյալ դեպքում «Օլիմպ» գիշերային ակումբում որպես պարուհի աշխատել են հինգ անձ, որպես բարմեն՝ Արման Հարությունյանը, մատուցող՝ Հասմիկ Միկոյանը (ընդհանուր՝ 7 անձ): Ինչ վերաբերում է արձանագրությամբ՝ որպես գործընկեր ամրագրված Գարեգին Ստեփանյանին, պետք է նշել, որ գործընկերային հարաբերությունները չեն կարող գնահատվել որպես աշխատանքային: Ասինքն օրենսդրական պահանջից ելնելով Շահեն Գրիգորյանի նկատմամբ կիրառելի է 1.750.000 ՀՀ դրամի չափով տուգանք (7* 250.000 ՀՀ դրամ):

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

- Հաշվարկել Շահեն Գրիգորյանին գանձման առաջադրել 1.950.000 ՀՀ դրամի չափով տուգանք որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 407-րդ հոդվածի 1-ին մասով սահմանված տուգանք ընդամենը՝	200.000	x	x
Հարկային օրենսգրքի 412-րդ հոդվածի 1-ին մասով սահմանված տուգանք ընդամենը՝	1.750.000	x	x
Ընդամենը	1.950.000	պետական բյուջե	900008000490

- Ընդունել ի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը

ստորագրությունը

Կ.Տ.

Ստացա ակտի մեկ օրինակը

ընդամենը 3 էջ

Շահեն Գրիգորյան

2020թ.

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պարասխանագրու անձ՝ հաղուկ առաքման դեպքում)

ստորագրությունը